

Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

Memb. IX. Orationes longiorem affectum certum continentis.

[urn:nbn:de:hbz:466:1-48248](#)

nam, per vestras preces, meritaque liceat deprecari.
Subvenite SS. Angeli Dei, subvenite, succurrите;
jam jam aderit Judex Christus JESUS. Miserere, ô
JESU! Miserere, per omnes SS. Angelos tuos te rogo,
JESU MISERERE.

III.

*AD OMNES SANCTOS COELITES**Oratio D. Augustini.*

O Pulchra! ô speciosa domus Domini! ego dilexi
decorem tuum, ad te suspiro ex hoc in eo ex-
ilio, ad te anhelat cor meum, dum deficit vita mea. O
vos Angeli, & Spiritus cœlestes, qui estis exercitus
Dei fortissimus, defendite me in hoc passu contra
omnes laqueos Satanæ. Liberate me à periculis hu-
jus maris procellosi, & à Piratis, qui me persequun-
tur. Vos vestris orationibus deducite hanc conqual-
satam, & confactam cymbam ad portum quietis, ut
illic vobiscum conquiescam. O Patriarchæ! SS. ô
Prophetæ luce divina illuminati! ô Apostoli, & Im-
peratores Domini gloriosi! Valentissimi JESU Chri-
sti Martyres, sapientissimi Doctores, Humillimi
Confessores, purissimæ Virgines, Conjuges, Vidua,
& animæ omnes quæ Deo placuistis, adjuvate me &
subvenite, ut salvus perveniam ad portum, ad quem
vos pervenistis. Peccavi, & sicut ovis quæ periit,
erravi, fateor, neque tamen diffido de bonitate opti-
mi mei Pastoris; ille me recipiet in suos humeros, &
ad vos deducet, ut in vestra Societate exultet anima
mea gaudio inexplicabili, quo vos jam fruimini.

MEMBRUM IX.

Orationes longiorem affectum certum
continentes.

FIDEI

I.

AFFECTVS FIDEI.

Prositeor coram te summa, & prima veritas Deus, corde & ore, coramque curia cœlesti, totoque orbe, sincerè me credere omnia, quæ dixisti, revelasti, & per Ecclesiam Catholicam credenda proposuisti; idque ex speciali dono gratiæ tuæ; præsertim quæ in Symbolo Apostolico, aliisque continentur, affirmans omnia esse certissima. Et in hac fide protestor me cum divino auxilio tuo, quod imploro, velle vivere, & mori; utinam & pro eadem sanguinem profundere dignus forem! & si quid forte occurret contra eam, undecunque (quod, quæso, avertere digneris) id ex nunc pro tunc detestor, & abrenuncio; adauge mihi fidem, fidelissime JESU, ut in ea moriens non peream, sed habeam vitam æternam. Hujus professionis, & protestationis exemplum supra possum in Gonzale Medeiros, ardente cereum manu tenente potest legi cap. 6. §. 13. memb. 3.

II.

S P E I

Ex S. Augustino. Med. c. 39.

Eccavi, ô Juste Judex, mereor mille infernos: non habeo, unde solvam. Mea satisfactio est tuus sanguis, & tua misericordia; quæ absunit, & superat peccata totius mundi. Quamvis peccaverim, & merear deseriri, tu tamen non exuisti tuam bonitatem, quâ solitus es salvare peccatores. Non placet tibi, Domine, perditio eorum, qui moriuntur, imò ut mortui viverent, tu mortuus es. Nunc, cùm peccatores vivant te moriente, supplico, ut te vivente non moriar ego. Quomodo potero diffidere, ô bone JESU, de tua misericordia, dum recordor, quod cùm

Y 6

essera

eleim tuus inimicus, pro me mortuus es, & me
DEO reconciliasti? Si veniam offerebas, cùm eam
non quererem; modò cùm eandem peto, quantò li-
bentius impertieris? Tuum dulcissimum nomen, ô
JESU, quod Salvatorem significat, fiduciam mibi
præbet, salva animam meam, & dic ei, quòd sis ejus.
Salus. *ex med. cap. 39.*

III.

*CHARITATIS.**Ex eodem.*

Nunc cognovi te, lux vera, nunc cognovi te in
fine vitæ meæ. Sis benedictus, & lauderis sem-
per, ô illuminator animæ meæ in tempore mortis-
tam opportuno. Serò te amavi, amor æterno, sed
quia serò, seriò nunc te amem, & melius est serò,
quam nunquam. O infelix tempus, in quo te non
cognovi! ô misera cæcitas, in qua te non vidi! ô ne-
fanda surditas, in qua non audivi voces tuas! ô fa-
dum, & infatuatum cor, quod se immiscuit pulchri-
tudini corruptibili tuarum creaturarum, te deserens,
qui es pulchritudo æterna!

IV.

*DESIDERII VIDENDI DEVVM.**Ex S. Gertrude.*

O Amor! quando erues animam meam ex hoc car-
cere? acceleret, ô DEUS meus, dulcedo mea, ac-
celeret gloria tuæ præsentia. Deus meus, miseri-
cordia mea, absconde me in tuis manibus, in tuis pe-
dibus, in hoc amantissimo corde. In te defigo mea
desideria, mei gemitus ad te sunt, ad te mea suspiria,
laudes, & omnis fiducia. Quando tecum ero gloria
mea? quando dissolvetur hic laqueus mortis? dil-
ata misericordiam tuam erga hanc magnam pecca-
tricem.

tricem. O amor æterne! quām dulcis & amabilis est tua Societas? Surge desiderium cordis mei. Ad te sunt oculi mei, ad te aures, nulla mihi alia vox sonet, sonet unica tua bonitas in auribus meis.

V.

Vel ex cap. I. soliloq.

Quare faciem tuam avertis gaudium meum per quod gaudeo? Ubi es absconditus pulcher, quem desidero? Vocem tuam audio, & revivisco; sed cur faciem tuam abscondis? fortè dicis, non videbit me homo, & vivet? Eja Domine moriar, ut te videam, videam, ut hīc moriar. Nolo vivere, volo mori, dissolvi cupio, & esse cum Christo, mori desidero, ut videam Christum, vivere renuo, ut vivam cum Christo.

V I.

G R A T I T V D I N I S.

Agnosco Deus meus ex toto corde beneficia, quæ ex manu tua accepi, & me ipsum redono in omnem æternitatem ei, qui amore mei se mihi, imò & suis inimicis tradidit. Redeo, & me tibi restituō, quia tuus sum. Vivo, ut in me vivas, & morior in te, ut te in omnem amem æternitatem.

V II.

C O N T R I T I O N I S.

Ad SS. Trinitatem.

OTrinitas beatissima! Vehementer pœnitet irrogatae tibi injuriæ peccatis meis, quæ detestor idcirco. Pater peccavi in cœlum & coram te, jam non sum dignus vocari filius tuus. Pœnitet! ah pœnitet, ô Deus propitius esto mihi peccatori! ô unice Patris æterni Fili JESU, cruciatus & mortem tuam acerbissimam, quorum infelix peccator causam me fuisse

fuisse heu quām me pœnit! pone inter peccata
mea, & justitiam æterni Patris tui, & miserere mei!
O Spiritus Sanctissime, amor & bonitas infinita! à
te quod recesserim conversus ad creaturas cum inju-
ria, & offensa tanti boni, quām mihi dolet! ne pro-
jicias me à facie tua, sed spiritu tuo sancto renova, &
confirm a me in æternū, nunquam amplius à te so-
parer, sed ex omni actione, & vita meâ resultet glo-
ria Patti, & Filio, & Spiritui S. sicut erat in princi-
pio, & nunc & semper &c.

VIII.

*R E S I G N A T I O N I S.**A S. Hieronymo usurpatuſ.*

Advenit tandem, ô Domine, hora mortis, propter
quām in mundum nascimur. Cum hoc onere ac-
cepi beneficium vitæ, ut deinde persolverem tribu-
tum mortis. Expirasti, ô mi redemptor, in cruce,
cūm es Dominus, ut mori servus non tergiversa-
tur. Fiat semper voluntas tua: moriatur, moriatur
anima mea, attamen morte justorum. Scio, quia
Deus & Redemptor meus vivit, & suis temporibus
resuscitat hoc corpus concussum à tam potentibus
ventis nauseæ, fastidiorum, dolorum, & aliorum
rebellium accidentium. Ut inhabitem terras melio-
res, dimitto mortalem hanc domum, & hanc carnem
morti destinatam. Tempus est, ut cantem DEO meo
hymnum laudis, quia per ignem & aquam deduxisti
me in refrigerium. Usque ad hanc horā peregrinatus
sum, nunc in patriam ingredior: usque modò peri-
culosè navigavi, nunc in portum intro. Deus est, qui
me transfert de tenebris in lucem; de periculis ad se-
curitatem; ex paupertate ad divitias; ex pugna ad
victo-

victoriā ; ex molesto ergastulo hujus corporis ad Patriam, à dolore ad quietē & tranquillitatem cœlestis curiæ. Vita mea sensim deficit, ô Deus, in cuius potestate sunt omnia horatū momenta. Fateor, melius est mihi tractare cum morte, quā in cum vita tam dolo- sa, periculosa, proditrice. O bona mors ! dulcis facta per mortem Domini mei JESU Christi. Non jam mors dicenda es, siquidem das æternam vitam, & au- fers à me febres, & dolores ; & fugas à corpore fa- mem & sitim. Veni, ô mors ! Soror mea, sponsa mea, amica mea, & monstra mihi JESUM amorem cordis mei, ostende mihi, ubi pascat greges suos hic divinus Pastor; ubi sit meridies gloriosæ pulchritudinis optimi JESU. Surge, anima mea, curre in odorem unguentorum ejus preciosorum, intra in secretum de- liciarum ejus. Jam pertransierunt dies juventutis meæ, & anni informes senectutis transierunt velut umbra, & me solum reliquerunt. Ad te converto me, redemptor meus, convertere & tu ad me, ô spes mea unica ! Respice, salva, & libera me, & hanc animam erue à carcere corporis istius.

Dies mei sicut fumus evanuerunt, & caro mea sic- ut flos fæni exsiccata est. Jam certè Deus meus adve- nit tempus, in quo recorderis, & miserearis mei. Au- fer à me lugubrem amictum istius corporis, & indue me gloria veste immortalitatis. Anima mea in Dei prælentia tota colliquescit, quia fruitur sponsotie, & tam diu quæsito. Surge cœlestis Pater, ex- cipe famentem & prodigum filium. Redit totus defædatus & macer ex longinqua regione, ubi pavit immunda animalia.

HVMI-

*HVMILIA TIONIS.**A S. Maria Nepte S. Abraami usurpatus.*

Heu me miserabilem! heu me, quia profanavi templum Dei! Eheu! deturpavi ejus imaginem, & rupi fædus in baptismo initum, & vota millies in vita facta! Miseram me! quæ propter vilissimam voluptatulam averti oculos à Deo meo, & omnem ejus substantiam vendidi. Heu me! quæ pessimum dedi omne id, quod comparaveram per tota Sacra menta, & bona opera! Quibus deinceps oculis cœlum adspiciam, cum isti, quos habeo, toti contaminati sint ex aspectu malitiae? Quibus labiis, quâ linguâ supplicabo isti purissimæ majestati, cum sint maculata & deturpata tam fædis culpis? Ad Deum quali cum corde accedam? quomodo loquar? cum legem ejus conculcam, cum promissa ei facta violarim, cum sim plena maculis in corpore, & in anima! Heu me! quò me verram? ô si mors antè rapuisset, quam talem malitiam committerem contra divinam Majestatem! Quis lacrymarum fons poterit eluere tot, & tantas maculas! à quantis bonis excidi! in quanta mala incidi! Converte me ad te, ô Deus meus! peccavi, peccavi, agnosco in te viscera materna, etiā erga eos, qui te nō querunt. Nullum vulnus tantum est, quod tu curare non possis. Da mihi tempus & locum Pœnitentiae. Indigna sum tua misericordiâ, attamen eam mihi tuus Sanctissimus Filius promeruit. Consequar per illum, quod ex me non mereor. Parce, amantissime Pater, propter id quod es, elue meas maculas sanguine JESU Christi. Sic, sic non invenietur in me fæditas, quæ tibi displiceat. Hoc doleo, quod in me inveniatur vestigium rei, quæ tibi displiceret.

INDEX